
VERITABLE

DE L'APPARITION DE

LA COMMETTE, QVI S'EST veuë sur la ville de Paris Mercredy dernier 28. Nouembre, 1618. & iours suiuans.


Auec vne ample explication de ses Presages.



A PARIS,

Chez Abraham Savgrain, S. Jacques au dessus de S. Benoist.

M. DC. XVIII.



DISCOVRS VERITABLE

DE L'APPARITION DE LA Comette, qui s'est veuë sur la ville de Paris, Mercredy dernier 28. de Nouembre 1618. & iours suiuans.

AVEC VNE AMPLE EXPLIcation de ses presages.

En'est pas moy qui parle, peuple François, c'est la voix esclatante du Dieutout puissant, qui vous aduertit par ce signe visible de son apparent courroux, que sa cholere est irritée contre vous, que son ire ne peut plus

arrester les bouillons de sa furie, & que son indignationsurmontant les intercessions de sa Patience & de de sa misericorde qui le solicitent incessamment à la pitie, a leué son bras pour vous frapper, & est preste de lancer son soudre sur vos testes rebelles pour les escraser, & tirer d'elle la iuste punition que merite le déreglement de vostre vie, & l'iniquité de vos actions trop mal reglees. Il a trop patienté, il a trop attendu le moment de vostre conversion: Il vous a trop souvens

A ij

solicité par des legers aduertissements à ce que vous eussiez à vous recognoistre & à faire penitence de vos forfaits: la Patience n'en peut plus supporter, la Clemence est lasse de vous tant attendre, & la Iustice outree d'un trop grand despit se voyant si souuent mesprisee ne se peut plus retenir sur les saillies de sa fureur qui la conuie à vous traicter le plus rudement qu'il sera possible, & auec toute la seuerité que le ingement exacte de son equité treuuera raisonnable. La conclusion en est prise & l'Arrest donné en ce grand & formidable conscil de la Diuinité; & si vous n'y prenez garde l'execution s'en ensuiura bien tost, & auec vne telle promptitude que vous en aurez plustost veu les effects que senty les coups: Toutesfois l'inestimable bonné & Miscricorde de ce Prince doux & benin, se iettant au milieu toute esplorce, la larme à l'œil, les cheueux esparpillez sur le dos, les sanglots au cœur & les soupirs à la bouche, aucc vne infinité de la mentarions, de regrets & de prieres, est venuë au deuant le genouil en bas, les mains ioinctes, & la face toute blesme pour interceder pour vous & retarder quelque peu la furie de ceste execution: & a tant fait qu'elle vous a encore obtenu ce respit & ceste faueur, que vous aurez ce dernier aduertissement, qui vous crie haut & clair, que vous ayez à vous humilier sous la main toute puissante de vostre Dieu, que vous ayez à satisfaire à sa sustice, & à contenter sa cholere pour vne conuersion memorable & entiere de tout vostre cœur & de toutes vos intentions; par vn nouueau changement de resotions & de volontez, & par une penitence exemplaire qui marque la vraye contrition de vos cœurs affligez & repentans: Autrement que passé le temps à vous preifeript & ordonné, que ceste iuste indignation se debandera sur vous, laschera les dignes à sa furie, & leuera la bonde à sa colere pour faire courir sur vous, tous les sleaux qu'elle a preparé des longtemps pour la punition de vos mestets. Fai et es donc vostre prosit de cet aduerailsement, & ne retardez pas dauantage; autrement & à saute de ce, prénez garde que vous n'en soyez chastiez d'autant plus seuerement, que l'attente en aura esté longue & la patience extraordinaire.

Encore est-ce vn signe fort remarquable de la bonne volonté de ce grand Dieu, & par lequel il monstre bien qu'il vous ayme & qu'il ne vous veut pas perdre vous prenant à l'impourueu sur l'heure de vostre sommeil, lors que vous vous endormez en vostre peché, & que vous peniez le moins à la punition que vous en pouuez encourir. Considerez le temps du deluge general ou tant de miliaces d'ames furent surprises souz le rauage des eaux & submergees dans leurs impitoyables cruautez deuant qu'elles en peussent seulement apprehender la venuë, ny en sçauoir l'adnertissement, si ce n'est peut estre quelques vns qui voyoient bastir l'Arche ou deuoit estre sauuée la semence & le leuain des hommes, par lequel ils devoient reuiure; encores ne pouvoient elles iuger à quoy cela pouuoit seruir, & n'en eussent iamais peu comprendre la raison iusques à tant qu'ils se treuuerent tous perdus. Remarquez la subuersion de Sodome & de

Gomorrhe, ces deux grandes & fameuses Citez auec quelques autres moindres qui estoient à l'entour, comme elles perirent tout à vn instant & furent surprises en leur endormissement, & lors qu'ils y pensoient le moins, beuuans & mangeans, faisant bonne chere, & se relaschans à toute sorte de desbauches, aussi n'augient-ils eu aucun aduertissement ny sie gne manifeste qui seur predist ou presageast ce malheur, si ce n'est la furie de leurs desreiglemens qui ne pouuoit pas ainsi durer long remps sans attirer sa punition: Mais maintenant que vos pechez sont peut-estre encore bien plus exotbitans & abominables que les leurs n'estaient, ce bon Dieu vlant enuers vous de la mesme douceur qu'il sit aux Niniuires & à toute ceste grande Cité: Il vous aduertit par des messagers auant-coureurs de son ire, que vous ayez à vous conuertir, que vous quittiez le train desreglé de vos humeurs premieres, & que vous embrassiez l'estat d'vne saincte & salutaire penitence, vous venant ietter deuant les pieds saincts & sacrez de sa Iustice, anec le sac & la cendre sur vos testes, le repentiren l'ame, la douleur au cœur, & la consession de vos fautes en la bouche, pour tascher d'esimounoir sa compassion à l'ayde de sa misericorde qui espousera vostre party, se mettra au deuant & fera vostre paix, si vous taschez d'y aller auec vne bonne & saincte contrition, & vous y comportez auec toute la candeur & fincerité qu'vn telacte, & la Maieste d'vn si grand Monarque requiett.

Ceux de Niniue à la seule voix d'vn homme mortel comme eux, pecheur comme eux, & qui venoit de commettre vne tres-lour de faute deuant son maistre, dont il pensa de payer la peine aux despens de sa vie, si la misericorde de ce grand Dieu ne se fut mise entre deux pour le garentir d'vne façon du tout extraordinaire. Mais eux, di-ie, à la seule predication de ce seul homme, pauure obiect & miserable embrasserent tout à l'instant vne si dure, si amere & si forte penitence, qu'ils en ieusnerent trois iours & trois nuits tous entr'eux tant petit que grand, voire contraignirent de ieusner les aminaux brutes mesine & irraisonnable; & par ceste heureuse conuetsion suiuie, vne penitence tant exemplaire, ils flechirent la rigueur de la Iustice Dinine, & trouuerent place deuant sa Misericorde, de sorte que seur ville ne fut point renuersce comme elle en estoit menacee, & eux obtindrent grace pour leurs pechez passez: Et vous que serez-vous donc mainteuant, Peuple de Paris, que ce n'est pas la voix d'vn homme qui vous parle, mais la voir de Dieu, que ce n'est pas vn signe de la terre qui vous menace, mais vn flambeau du Ciel en sammé de holere, & rouge de courroux pour marquer a sanglante punition qui va tomber sur vos chefs rebelles si vous ne parez au deuant, & ivous ne taschez d'appaiser le courroux de cste Diuine furie, qui est si ardente aux flammes de vengeance contre vous?

Ce signe n'est point sans signification; ny ce presage sans malheur: Vous auez desia ven dans Paris ces iours passez quesques commencements d'affliction qui vous ont pourtant fort peu esmeu; & que sçauez-vous si ce n'est point le leuain d'vne plus grosse passe, & si la tureur Diuine ne soufflera point ceste estincelle pour en faire sortir vn plus grand brasser?

Il y a doublement à craindre, puis que d'ordinaire ces quant-coureurs ne marchent gueres qu'ils ne trainnent bien tost apres eux de plus grandes forces, & que tant plus que ces humeurs dangereuses ont esté couuces en leur sumier, plus elles ont de force & d'esset quand elles viennent vne sois à se creuer tant à bon, & à saire exhaler leurs pernicieuses vapeurs, qui empoisonnent puis apres tout le

monde.

Toutes fois le Roy des Prophetes ayant peché contre son Dieu, & attiré par mesme
moyen sur luy les sleaux de la vengeance divine, il eut le choix d'en essire de trois l'un à son
vouloir: Et il choisit celuy de la contagion
pour trois iours seulement, comme l'estimant
encore plus supportable que la guerre, ny la
famine, comme ayant son execution plus
prompte, & partant plus facile à supporter;
& que sçauez vous si le mesme Dieu vous a
point monstré ces verges pour vous faire peur
de ce costé-là, & pour experimenter si elles
auroient

auroient quelque efficace & vertu pour vous inciter à la penitence, à l'amendement de vostre vie, & s'il ne le retirera point: Puis après voyant qu'elles ne vous ont de rien seruy, pour vous frapper auec plus de forces, & qui auront bien autre rigueur que celle-la. Vous pensez estre bien asseurez entre vous & cependant tout y bransle par vostre inconstance. Vous auez autant de volontez & d'affection en l'Estat, que de teste particulieres chacun y forge son conseil à part, & se donne Loy de se faire des maximes toutes contraires aux opinions des autres. Il n'y anusse amitie, ny aucune vnion entre vous, si vous ny voyez vostre profit chacun à part soy, & & l'aduantage de vos affaires priuées ne vous brille premierement deuant les yeux, yous ne faictes point d'essat de l'Essat, & en oubliez la consequance tout autant les grands que les petits, ne s'estudians tous qu'à s'engraisser les mains du sang de la populace, & remplir leurs coffres de sa sueur & de sa substance.

Aussi ne voyez vous parmy vous, ny soy, ny loy, ny religió, qui sont des vrayes marques de reprobation, au contraire rien que persidie, dessoyauté, & impieté, tant enucrs Dien qu'enuers les hommes: Mais où est maintenant là, l'intégrité de vos anciens Peres, où est leur pitié, leur soy, leur religion, & leur constance? Tout cela est mort, & en leur lieur vous y auez sait succeder toute sorte de ma-

lice, toute sorte de tromperies & d'inuentions artifiicelles: Aussi eux se sont tousioursmo-Arez inuincibles en toutes choses, ils se sont fait craindre par tout le monde, ont estonné leurs voisins, & planté la frayeur au cœur de tous ceux qui ont seulement ouy parler de leur nom: Mais maintenant chacun vous mesprise, chacun vous des daigne, voire osent prendre tant d'audace, que de vous menacer chez vous, & de vous apporter le Cartel de deffy jusques dans vos propres foyers: Et d'où leur vient cette audace, si ce n'est dupeu de iugement, du peu de fermeté, & du peu de constance que vous auez en vous meime? Vos Peres se sont tousiours tenus bien vnis, se sont tenus serrez en vne meime resolution, ch vne mesme foy, & mesme intelligence, resolus de viure & mourir, tous les vns pour les autres, & les vns auec les autres; & c'est ce qui les a rendu effrayables à tout le monde, qui les a tousiours fait redouter d'vn chacun, & qui les a tousiours fait triompher de toutes entreprises: Mais maintenant que ceste forte chaisne de l'union ne vous serre plus, que vous estes separez & escartez d'affection & de volonté, prenez-vous garde que ce qui vous tenoit si forts & redoutables, manquantau milieu de yous, ne vous fact venir au mespris d'vn chacun, & ne vous expose' à vne infinité de dangers, dont vous aurez peine de vous releuer.

C'est la voix du Ciel qui vous parle, es-

coutez-la & en faictes vostre prossit: Vous n'estes pointasseurez de vous mesmes ny en vous mesmes, comment pourriez-vous estre asseurez de l'Estranger & auec l'Estranger? Vous ne vous aymez point les vns les autres, comment pourriez-vous estre aimez del Estranger ny l'aymer reciproquement pour viure en bonne intelligence aucc luy? Vous ne vous supportés point les vns enuers les autres, comment vous pourriez-vo supporter enuers l'Estranger, s'il vous venoit attaquer? Vous auez perdu la crainte de Dieu, qui est le plus fort bien qui vous puisse tenir das les termes du deuoir, aussi l'appelés-vous Religion, comme si elle relioit vos cœurs & vos affectios à ce sainct deuoir, que vous estes tenus de luy rendre en toutes choses; Vous aués oubliés le respect& l'obcillance que vo? deués à la Iustice, à vos superieurs & à vos Magistrats, & plus à Dieu encore que ce Religieux & sainct deuoir que vous deuez à vostrePrince souuerain ne fut pointalteré, & fut remply d'autant de zele que vous luy en deuriez porter: Vous auez entierement mis en oubly & sous les pieds cest Amour mutuel & charitable que vous vous deuez les vns aux autres, dont vous deuez embrasser vos freres, & vous tenir liez auec eux; Comment est il donc possible que toutes sortes de desregle--ment n'ayent cours parmy vous, & que le desordre & la confusion n'y regne? Comment est il possible que ceste cincerité & ceste can-

deur qui estoit parmy vos peres se puissent retrouuer pariny vous auec toutes humeurs desbauchees, & ce peu de fermeté que vous auez en vous? Mais comment se pourroit il faire que le Ciel ne fut point courouce contre vo?, puis que vous estes si corropus en vous mes,

mes, & remplis de tant de vices?

Souuenez-vous que iamais ces marques telle que vo voyez celle-cy, ne parroissent au Ciel. qu'elles ne presagent des effects extraordinaires, puis que ce sont des flabeaux, ou plustost des impressions extraordinaires, & que cesont des signes de courroux que Dieu vous ennoye pour vous aduertir que vous ayez à vo? amender. Vous en auez veu & leu beaucoup d'histoire, des espées toutes ardantes sur la ville de Ierusalem, des lances & autres admis. rables impressions sur la ville de Rome, & vne infinité d'autres que vous trouverez dans les histoires; Et tout cela que significitil? En l'vne la submersion entiere de la ville, & la ca-Ptiuité perpetuelle du peuple, & en l'autre la mort prodigieuse & lamentable de son chef Principal, & le changement de l'Estat. Dien destourne tels accidens de vous & de toute la France: Mais ces autres grandes impressions que vous vites en lannee quatre vingt huich, qu'est ce qu'elle presageoit autre chose, que tant demalheurs& de calamitez qui coururét de puis sur vostre France par toutes sortes de Acaux&c d'afflictions?

Priez Dieu, & taschez d'appaiser sa cholere: Conuertissez vous & monstrés des fruicts dignes de penitence: Maissur tout r'alliés vous tous ensemble en vne bonn evnion & intelligence. Dieu ayme ce bien de Charité, & hait infiniment la discorde sur tout entre les freres & les concitoyens. Quand ils sont en bonne amitié & intelligence, il est au milieu d'eux, & s'y plaist: Mais quand il les voit des-vnis & en discorde, il s'en retire, & s'en retirant ils demeurent exposez à vne infinité de miseres & de calamitez. Vous estes tous François, & mébres d'vn mesme corps mystique, monstrezvous vrayement France, & arrachez toutes ces haisnes & rancœurs que vous auez les vns contre les autres. Alors vous serés aymez de Dieu & du Monde, toutes choses vous prospereront, & le malheur mesme se retirera de vo?: Dieu fera cesser ces sleaux, & fera que ces fieres menaces qu'ils vous monstre, tourneront en caresses & bonne amitié. Vous rentrerez en vostre ancien credit, & tout le monde vous redoutera. A Dieu, viuez en Paix, & faictes vostre Prossit des aduertissement de la Comette qui vous parle.

FIN.